



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education

Broj: 01-07/02-04-53531-99/24
Sarajevo, 25. 02. 2025. godine

SKUPŠTINA KANTONA SARAJEVO
n/r Okerić Elvedina, predsjedavajućeg Skupštine Kantona Sarajevo

PREDMET: Odgovor, dostavlja se

Cijenjeni,

Zastupnik u Skupštini Kantona Sarajevo **Faruk Selmanović** u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“ broj: 41/12, - Drugi novi prečišćeni tekst 15/13, 47/13, 47/15, 48/16, 9/20, 14/20, 16/22 i 17/22 – Ispravka i 47/24), u okviru 18. radne sjednice Skupštine Kantona Sarajevo, uputio je zastupničku inicijativu:

Zastupnička inicijativa:

„Jedan od ključnih ciljeva inicijative „Stvaranje sigurnih zona oko škola sa stalnim prisustvom policije“ jeste povećanje povjerenja građana u rad policijskih službi. Ovo povjerenje predstavlja osnovu za efektivno funkcionisanje sigurnosnih institucija i direktno utiče na kvalitet života svih građana, a posebno najosjetljivijih kategorija kao što su djeca i mladi. Povjerenje u policijske službe nije samo kratkoročna korist ove inicijative, već predstavlja osnovu za dugoročno unapređenje sigurnosti i kvalitete života u Kantonu Sarajevo. Ova inicijativa šalje jasnu poruku; institucije vlasti i policija posvećeni su zaštititi i dobiti svojih građana, posebno najmlađih, što je ključ za stvaranje sigurnog i prosperitnog društva“.

Odgovor:


Zahvaljujemo se na dostavljenoj inicijativi koju ste uputili Vladi Kantona Sarajevo, a koju je Vlada Kantona Sarajevo, na dalje postupanje prosljedila Ministarstvu za odgoj i obrazovanje Kantona Sarajevo (u daljem tekstu: Ministarstvo) i Ministarstvu unutrašnjih poslova Kantona Sarajevo.

Koristimo priliku upoznati Vas da Ministarstvo posebnu pažnju posvećuje temama sigurnosti, zaštite i dobiti učenika i školskih zajednica, te je Vlada Kantona Sarajevo na prijedlog Ministarstva u augustu 2023. godine usvojila Smjernica/shema komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo i Ministarstvo. Nadalje, Ministarstvo je donijelo i školama dostavilo Uputstvo za izradu plana evakuacije u odgojno-obrazovnim ustanovama u slučaju kriznih događaja. Trenutno Ministarstvo priprema Protokol o kontroli pristupa u odgojno-obrazovnim ustanovama u Kantonu Sarajevo, a u cilju povećanja sigurnosti u školama. S obzirom da je raspored i angažman policijskih službenika u nadležnosti Uprave policije Ministarstva unutrašnjih poslova Kantona Sarajevo vjerujemo da ste zaprimili odgovor o postupanju u vezi sa dostavljenom inicijativom.

S poštovanjem,

Dostaviti:

1. Naslovu
2. A/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba